

菩薩處胎經

卷一

百九十一
難一

48672



七
 年
 丙
 午
 二
 月
 日
 重
 脩
 皇
 圖
 聖
 圖
 帝
 漸
 銀
 昌
 佛
 日
 增
 輝
 懋
 輪
 崇
 轉
 山
 城
 州
 天
 安
 寺
 法
 金
 剛
 院
 置



菩薩處胎經卷第一

姚秦三藏竺佛念譯

難

天宮品第一

如是我聞一時佛在伽毗羅婆兜釋翅搜城北雙樹間欲捨身壽入於涅槃二月八日夜半躬自擗僧伽梨鬱多羅僧安陀羅跋薩各

三條敷金棺裏襯身卧上脚脚相累以鉢錫

杖手付阿難八大國王皆持五百張白疊旃

檀木蜜盞內金棺裏以五百張疊纏裹金棺

復以五百乘車載香蘇油以灌白疊尔時大

梵天王將諸梵衆在右面立釋提桓因將忉

利諸天在左面立彌勒菩薩摩訶薩及十方

揚茂

諸神通菩薩當前而立。今時世尊欲入金剛
三昧，碎身舍利，善哉不思議法。於娑婆世界轉
此真實法。今時世尊作是念：已十方世界皆
六反震動。今時世尊從金棺裏出金色臂，即
問阿難：迦葉比丘，今來至不對，曰未至。世尊
重問：牛呌比丘，來至未耶？對曰：於彼天上般
涅槃。三衣鉢至佛告四衆：吾今永取滅度。即
復檢疊入金棺裏，寂然不語。如是再三出手
須臾，佛問阿難及諸四衆比丘：比丘，左優婆
塞、優婆夷、八大國王、天龍鬼神、阿修羅、迦留
羅、緊陀羅、摩睺羅伽、閻婆人與非人云何
阿難？吾前後所出方等大乘摩訶衍經，汝悉

得不對曰唯佛知之如是再三佛告阿難吾
於忉利天宮與母摩耶說法汝亦知不對曰
不知云何阿難吾於龍宮與龍說法無數億
千諸龍子等皆令得道留全身舍利百三十
丈汝亦知不對曰不知云何阿難吾處母胎
十月與諸菩薩說不退轉難有之法不思議

行汝復知耶對曰不知佛告阿難諦聽諦聽
善思念之吾今與汝一一分別菩薩大士難
有之行阿難白佛言願樂欲聞佛告阿難去
此東南方一億一萬一千六十二恒河沙刹
彼有世界名曰思樂佛名香炎如來應供正
遍知明行足善逝世間解無上士調御丈夫

天人師佛世尊於彼現般涅槃而來至此
利天宮經歷無數阿僧祇劫三十六反作大
梵天王三十六反作帝釋身三十六反作轉
輪王所度衆生無墮二乘及諸惡趣何以故
皆是諸佛神智所感云何阿難如來世尊有
胎分耶無胎分耶阿難白佛如來之身無有
胎分也佛告阿難若如來無胎分者云何如
來十月處胎教化說法阿難白佛有胎分者
此亦虛寂無胎分者亦復虛寂今時世尊即
以神足現母摩耶身中坐卧經行敷大高座
縱廣八十由旬金銀梯陛天繒天盖懸處虛
空作倡娛樂不可稱計復以神足東方去此

娑訶世界萬八千土菩薩大士皆來雲集南方西方北方四維亦亦復有下方六十二億刹土諸神通菩薩亦來大會上方七十二億空界菩薩亦來雲集入胎舍中尔時文殊師利菩薩即從座起白世尊曰此諸菩薩大士雲集欲聽世尊不思議法諸三昧門陀隣尼門一相三昧聞空三昧道性三昧真實三昧虛空王三昧逝習緒三昧受性三昧行跡三昧降魔三昧除穢汗三昧如是三昧億千那由他如今如來入何三昧居於胎舍與諸大士說不思議法佛告文殊汝今觀察一在二在乃至十任一生補處諸方菩薩各當其位

勿相雜錯所以者何吾今欲與諸大士說不
思議法今此大衆清淨無雜寄生枝葉亦無
穢惡尔時世尊以清淨音即說頌曰

昔來無數劫 成佛身無數 今復入胎舍

欲度諸衆生 身淨無惡行 口行無虛妄

意行常慈悲 清淨菩薩道 愍彼衆生類

恒處四駛河 計常及斷滅 迴向菩提道

勤苦獲此身 勿興穢汙想 計身如丘墓

野干之所伺 愚者深染著 耽愛不能捨

此身無反復 晝夜欲啜味 衆苦為閑捷

如盡瓶盛糞 欲渴之所逼 何為生苦惱

如海吞衆流 愚者以為實 身非金剛數

莫為衆惡行 受身要當然 何不速行道
若人壽億劫 彼亦應捨欲 況壽不滿百
何不知止足 愚者恒自稱 宿福獲此身
應當快自恣 未樂便當終 此欲無牢固
非智所能守 夫人欲捨欲 十慧無想觀
欲非真實法 起滅如水泡 幻師之所造
變現若干像 愚者謂為實 求實無所得
空性本自空 始終無起滅 分別無想定
能盡衆生漏 文殊汝今知 十方無漏會
我入瑠璃定 廣演方等法 十方恒沙佛
如我說無異 愍此群萌類 永處炎火舍
捨胎復受胎 往彼復來此 十方諸菩薩

積行恒河劫
如我十方界
受罪此最劇
究竟一相義
有餘及無餘
化濕卵胎中
與說無所有
墜墮四顛倒
習盡道亦介
分別真實性
不處於涅槃
娑婆國土中

雖處娑婆界
方比於此土
解空無定相
性自本虛寂
昔我弔誓願
亦說難有法
十二牽連法
為說四真實
欲我戒見受
虛無寂莫要
今處於母胎
無數恒河沙

五苦五惱劫
周旋五道中
亦復無本際
常想無起滅
遍受五道胎
染著五蔭者
癡行生死本
苦諦無有諦
亦及於四愛
雖度生死岸
說法悟群生
處胎說法者

濟度阿僧祇

虛空無邊界

佛國亦如是

衆生受識神

真實性不同

明慧所教化

隨類而度之

或見身受度

聞聲得解脫

或復思惟苦

集諦盡道本

思惟四意止

斷意四神足

五根及五力

七覺以為華

賢聖八品道

以用瓔珞身

分別彼我空

無想寂滅慧

不願有所求

永處空無慧

初入有覺定

三十不淨觀

逆順知有覺

入定解無觀

九次入初定

分別無覺觀

又樂滅盡道

初定五行法

喜樂意已滅

安隱入四法

通慧諸大士

不以此為行

為諸煩惱故

應適前衆生

禪定經歷劫

形枯如槁木

三禪香氣動

五枝不彫落

佛慧不可量

於有亦不有

無上最正覺

無生無亦無

吾從成佛來

遊觀於三禪

設當入四禪

無說而得度

我觀虛空界

衆生無有依

諸佛神力智

乃能盡原本

斷漏諸學人

未能悉分別

道品甚深妙

二乘所不及

吾以天眼觀

慧眼及佛眼

四識所受形

亦復於中化

亦無地水火

形色可觀見

唯佛大神力

皆令至彼岸

十方諸佛土

恒沙阿僧祇

亦以道慧本

遊處虛空界

設當以肉眼

觀空界衆生

欠口出入息

無數衆生入

尔時此等輩

各得成道跡

當知佛法身

真實不思議

佛為三界將

愍兩濟一切

欲色無色有

令受道慧證

彼亦無姪怒

及癡眷屬眾

覩形即入道

豈須學無學

無量諸佛刹

成道各各異

或從有相成

或從無相成

不復修習此

真如四聖諦

菩薩清淨觀

入禪無礙道

羅漢辟支佛

入定各不同

生生不見生

豈當有生本

愚惑染著人

謂為生是我

吾我自稱我

不見有吾我

菩薩四禪行

緣覺所不知

菩薩入初禪

三十無漏行

百七三昧定

出入息具足

二定七十二

自觀無我想

雖經累劫苦

不離於禪行

四任斷諸漏

乃逮此二禪

六任故猶豫

入定如水波

八万四千行

猶尚不自制

我本於六任

十三劫退轉

常想起樂想

輪轉生死淵

大聖定光佛

記薊心堅固

立志不退轉

尔乃逮三禪

斷除七萬垢

永滅無根本

無畏師子步

闡揚大法典

廣遊諸佛刹

禮事常恭敬

過去阿僧祇

諸佛世尊等

各各於本刹

誓願行佛事

心雖不退轉

常恐墮下劣

億千魔徒眾

不所動一毛

超越八住行

進入於菩提

可樂所戀著

永除無想念

除師尊父母

餘者不願戀

方成一禪行

名施度無極

習觀無等倫

九地通慧本

不復入滅盡

移坐即成佛

為緣眾生成

往詣佛樹下

廣及阿僧祇

普集在道場

十方無量界

諸佛出尊等

各各舒右手

善哉大師子

十方無所畏

堅固入四禪

慈愍群萌類

願速從禪覺

未度者使度

未脫者使脫

四識處幽冥

渴仰禪悅味

不違諸佛教

輒便自稱揚

復自內思念

用此身累為

畢取於涅槃

用度眾生成

諸佛各面現

善哉釋迦文

建立和誓意

勿起退轉心

轉無上法輪

擊於大法鼓

聞者速解脫

不經劫數難

捷智無礙智

辯智通達智

道智明慧智

斷智無生智

不起盡滅智

消智九次智

無畏師子智

雷吼音響智

端坐不動智

大悲無礙智

身相莊嚴智

拔苦愍護智

結解無縛智

受劫取證智

降魔破軍智

成無我慢智

意勇精進智

施不望報智

行忍受辱智

金剛十力智

住劫不動智

集眾和合智

最上導師智

慙愧法服智

菩薩誓願智

神足變現智

境界無礙智

斷意滅結智

清淨照明智

自識宿命智

玄鑒他心智

父母真淨智

分身刹土智

處胎無穢智

識定不亂智

一向信受智

入定觀察智

分別身相智

三十不淨智

滅灾除患智

菩薩次第智

超越教化智

滅十二緣智

緣覺時悟智

聞聲受化智

出十二入智

觀慧無礙智

受道玄鑒智

一夜為劫智

以劫為日智

念佛佛現智

刹土清淨智

無有一乘智

獨步無畏智

悅可眾意智

所作已辦智

不造前後智

滅故無新智

入定除想智

觀内外身智

如來受慧智

賢聖默然智

尔時世尊說此偈時億百千眾無量眾生皆
悉發趣立盡信地復有菩薩十二那由他在
觀行地不住三性成就國土在右分中七万

七千億衆生逮阿惟越致佛復告文殊今此
座上無有一人雜垢穢惡有退轉者所以者
何皆是利根不處生死無縛無著無滅無生
修道清淨受證成就願樂欲聞諸佛不可思
議正法降伏衆魔除去憍慢外雖教化諸佛
刹土阿僧祇衆生內心遊戲無量百千三昧
其三昧者師子奮迅三昧超行登位三昧廣
進超步三昧童真樂法三昧四道生滅三昧
無想等行三昧往詣不退道場三昧觀察衆
心三昧念一生補處三昧無形像三昧地中
勇出三昧解縛戰鬪三昧頂受最勝三昧衆
生喜見三昧入不思議三昧佛界不思議三

昧法界除穢不思議三昧聖衆不思議三昧
衆生起滅不思議三昧龍力興降不思議三
昧在衆上中王不思議三昧勇猛降伏怨不
思議三昧壽命無量不思議三昧在五道能
受苦不思議三昧諸佛現在不思議三昧四
事供養不思議三昧如是三昧一億一千症
嚴其身復有名速疾一日中出家行道往詣
樹下成佛教化衆生淨佛國土不思議三昧
復有留住待緣不思議三昧如來緣是三昧
住壽無量阿僧祇劫爲有緣衆生得度於無
餘涅槃界不取涅槃更造因緣行菩薩道復
有佛力不思議三昧從一佛刹至一佛刹如

入合掌彈指頃受無量無限恒河沙數衆生
記前亦復使彼一日成佛處胎菩薩神力如是
菩薩處胎經遊步品第二

尔時彌勒菩薩即從坐起整衣服偏袒右臂
右膝著地白世尊言善哉善哉如來說不思
議法今此衆中有踐跡者未踐跡者有住信
地未住信地者或有菩薩從光音天虛天波
利陀天陁波魔那天阿會且修天道呵天須臾
天須室祇禡天吉那天乃至一究竟夫化自
在天他化自在天或有菩薩空處識處不用
處乃至非想非非想處云何於彼入胎教化
世尊告曰勿作斯問何以故如來終不說

此義我今問汝汝當報我云何彌勒空有形
質無形質耶對曰無也世尊告曰云何彌勒
若空無形質云何衆生有生有老有病有死
耶彌勒白佛言於第一義無生老病死以是
故空無形無質佛告彌勒若無形質此衆生
等誰有授使誰有受使者云何菩薩往詣樹
下或時經行或時入定云何菩薩自觀身相
觀他身相云何菩薩現行七步自稱成佛降
伏衆魔云何菩薩修治道場請召十方諸衆
生耶彌勒白佛言此亦空寂無形無質如來
身相亦是假号乃至一究竟義悉空無所有
佛復告彌勒行空菩薩云何遊至十方刹土

教化衆生彌勒白佛言行空菩薩不見刹土
亦無有佛佛自無佛云何有佛地水火風識
界我人壽命皆悉空寂以是之故無有胎分
佛告彌勒汝在三十三天與諸天人說空行法
於彼坐中有踐跡耶無踐跡耶彌勒白佛言
彼諸天人常想樂想淨想計我爲我想以是
故無有踐跡無踐跡也佛復告彌勒彼諸天
人有色行陰無色行陰有報應陰無報應陰
有破有陰無破有陰有受入陰無受入陰有
聲響陰無聲響陰有中間陰無中間陰有彼
此陰無彼此陰有究竟陰無究竟陰有嘿然
陰無嘿然陰云何彌勒汝在天宮與諸天人

說真法言有此諸陰名号之耶弥勒白佛言
無也世尊言云何弥勒十方諸佛授汝記蒞
成無上正真道為有正真道為無正真道耶
彌勒對曰無耶世尊言有道者斯亦假号言
彌勒者亦是假号如自性本際亦是假号如
來色身身自空相相自空本末本末空彼此
彼此空云何自知号彌勒決言性性自空言
有有自空言無無自空無自常住無能令不
住言住住自空言自相自相空言陰陰自空
言胎胎自空乃至道場言行行陰空以是故
世尊無有踐跡無踐跡也佛復告弥勒有踐
跡無踐跡者有果證無果證耶是有為性非

有為性耶是有為中無為性耶是無為中無
為性耶是有漏中無漏性耶是無漏中無漏
性耶是欲界中有盡性耶是欲界中無盡性
耶是色無色界中有盡性耶是色無色界中
無盡性耶是空界滅識性耶是空界非滅識
性耶乃至有為空無為空自性空有以有為
空無以無為空大空最空一相無相空有餘
涅槃空無餘涅槃空是踐性耶非踐性耶弥
勒白佛言踐法非法非法亦非踐云何弥勒
有為法非無為法非有為云何汝言有
踐法無踐無踐法亦無踐弥勒白佛言最第
一義有相無相法中求有為非無為求無為

非有爲耶佛告彌勒吾今問汝真實根論非
無根論有爲無爲從何而生有何名号彌勒
白世尊言虛空寂滅性字義名号皆非真實
是無根論非有根論佛告彌勒根義云何生
無根論彌勒白佛言於世俗義根爲法性無
根爲證靜而不動亦不不動一相無相乃至
有爲無爲法有漏無漏法有對無對法色法
無色法可見法不可見法不住亦不住是
無根義佛言善哉善哉彌勒空行菩薩曉了
無根不生亦不生未來無對現在不住過
去已滅無著無斷不住亦不住今時坐中
有菩薩名分別身觀白佛言今聞如來說無

根義說有身相說無身相說有自性空說無
自性空說無根義者從如中來耶不從如中
來耶無根義者有生滅耶無生滅耶有對法
耶無對法耶有色法耶無色法耶有爲法耶
無爲法耶有漏法耶無漏法耶有相法耶無
相法耶有身觀耶無身觀耶佛告分別身觀
菩薩曰何者是身何者是觀身誰爲主誰行
此觀分別身觀菩薩白佛言地水火風名身
陰也識分別名觀也佛復告曰言地地自空
言水水自空言火火自空言風風自空言識
識自空言空空自空何者是身云何是觀身
觀菩薩白佛言如佛所說虛空法界皆悉空

寂無佛言佛無法言法無僧言僧無今世後
世無罪無福將不與六師同耶佛告分別身
觀菩薩曰汝入滅盡定時頗見眼觀色乃至
意觀法不身觀菩薩白佛言不也世尊所以
者何滅盡定中無生無滅佛告身觀菩薩如
是如是如汝所言眼觀色色非我色我非彼
色識非我識我非彼識乃至聲香味觸法亦
復如是法非我法我非彼法於無根義無增
無減根清淨道亦清淨相空清淨乃至究竟
空亦復清淨一清淨而無二五陰淨行淨道
亦清淨有對淨無對淨色淨道亦清淨菩薩
觀淨六塵淨道亦清淨眷屬淨姓淨道亦清

淨地淨住淨道亦清淨是爲菩薩摩訶薩無
根義佛復告身觀菩薩曰苦淨不苦不樂淨
道亦清淨門淨種淨生淨道亦清淨是爲菩
薩摩訶薩無根義佛復告身觀菩薩曰道場
淨國土淨衆生淨道亦清淨是爲菩薩摩訶
薩無根義根淨力淨覺意淨道品淨道亦清
淨云何身觀菩薩我今問汝汝當報我如來
修治道場坐樹王下云何分別衆生之類用
有記法耶無記法耶有記法者塵勞之垢無
記法者亦是塵勞之垢以何無記而授衆生
決身觀菩薩白佛言有記之法非塵勞垢無
記之法亦非塵勞何以故塵勞垢者是卑賤

法有記無記法是上尊法無以無記對於塵
勞何以故塵勞法者如來種也佛告身觀菩
薩止止莫作此語汝言塵勞是生死法今復
言如來種耶身觀菩薩白佛言如來身者爲
是化非衆生耶若是化者無有塵勞衆生之
趣設從衆生有如來身者塵勞之垢非如來
種乎佛告身觀菩薩曰如是如是如汝所言
以假号名字而有塵勞第一義中無有塵勞
佛復告身觀菩薩如來應供正遍知明行足
善逝世間解無上士調御丈夫天人師佛世
尊常以天眼觀十方世界阿僧祇衆生意識
生念有欲心多者無欲心多者有恚心多者

無恚心多者有癡心多者無癡心多者有解脫心者無解脫心者有增上慢者無增上慢者有易究竟者難究竟者菩薩悉知悉觀而往度之去何菩薩以天眼觀知少欲者知多欲者於是菩薩在彼衆中現姪女形與說姪欲快樂難忘視無厭足使彼欲意倍生喜樂後漸與說身為穢汙無常無我苦空非身欲為火坑燒煮心識使令厭患令無姪欲此衆生等即於胎中受無上記身觀菩薩汝當知之如此衆生無瞋恚癡斷欲得道或有菩薩在彼衆中共為善友與說殺業快樂難忘使哉殺生減汝壽命增我壽命後漸漸與說殺生

受罪極重與說百八殺生重罪爲苦爲惱引
令入於得在道檢無有欲癡即於胎中成無
上道或有菩薩在彼衆中共爲朋友說十不
善道迹身教口教意教不善以真爲虛無常
謂常空謂有實無身謂有身苦謂有樂無世
謂有世後漸漸與說廣大深智無量辯才然
法熾法爲堅法幢漸漸引入智慧叢林諸人
當知若有狐疑於我所者當以智慧火燒汝
狐疑山若人布施手執財物有人受者解了
三事空無所有即於胎中成無上道見人持
戒戒品成就毫釐不犯解了空寂而無所有
即於胎中成無上道或有衆生忍心不起若

有人來段段割截心無妄想頭目髓腦無所
愛惜即於胎中成無上道若有衆生心若金
剛不可沮壞設當有人軟語誘導劫數難量
流轉生死難可勉濟何不於此自度而已爲
彼衆生唐勞勤苦菩薩心進終不退轉墮落
生死即於胎中成無上道若人行禪心識不
移弊魔波旬在虛空中雷吼震烈不能令彼
動於一毛何況使彼退於禪道即於胎中成
無上道若有衆生分別諸行此則可行此不
可行若人貪著愛樂身者即便爲說四意止
法一一分別諸法要截暢達演說無量法界
即於胎中成無上道或有菩薩入慈三昧遍

滿東方無限無量阿僧祇恒河沙等刹衆生
之類慈愍愛念欲令解脫譬如恒河沙中取
一沙過恒河沙國土下一沙如是盡恒河沙
慈心故不盡菩薩發願堅固難動設有人來
取菩薩身彎彎割截即時彌滿三千大千國
土血變爲乳如母念子是爲菩薩行慈三昧
即於胎中成無上道或時菩薩入悲三昧遍
滿南方無限無量阿僧祇恒河沙等刹衆生
之類悲念欲令解脫以恒河沙中取一沙過
恒河沙國土下一沙如是盡恒河沙悲心不
盡堪任代彼衆生受苦皆是菩薩堅固誓願
衆生見者以清淨心遠離衆惡妄想已斷即

於胎中成無上道或時菩薩入喜三昧遍滿
西方無限無量阿僧祇恒河沙等刹衆生之
類喜念衆生欲令解脫以恒河沙中取一沙
過恒河沙等國乃下一沙如是盡恒河沙喜
心不盡若彼衆生入喜令自娛樂皆是菩薩
發意堅固即於胎中成無上道或有菩薩入
捨三昧遍滿北方無限無量阿僧祇恒河沙
等刹衆生之類恐彼衆生有缺漏行將養擁
護不令沒溺取恒河沙中一沙過恒河沙國
土乃下一沙如是盡恒河沙捨心不盡皆是
菩薩誓願堅固即於胎中成無上道於時菩
薩真實法明修大慈大悲非羅漢辟支佛所

行遍滿四方欲令衆生一聞音聲尋聲即至
皆是菩薩誓願堅固即於胎中成無上道
菩薩處胎經聖諦品第三

佛告菩薩摩訶薩比丘比丘尼優婆塞優婆
夷天龍鬼神阿修羅迦留羅緊陀羅摩睺勒
毗舍遮鳩槃荼富單那摩菟舍阿摩菟舍等
吾今爲汝說菩薩摩訶薩賢聖諦諦聽諦聽
善思念之所以者何吾從無數阿僧祇劫修
習道果此沒生彼周流五道不捨菩薩賢聖
諦云何菩薩修習聖諦或時菩薩從初發意
乃至道場行無礙法不取禪證滅諸惡想或
有菩薩入初禪地見清淨行耻而厭患捨而

進趣欲登六住殷勤進業入二禪地心豁然
悟如月雲除自觀身中心發誓願為堅固耶
不堅固耶自以已心復觀衆生心易难度
皆悉知之時菩薩心極大歡喜吾將成佛審
然不疑刹土清淨除衆生垢降伏於魔轉於
無上賢聖法輪快哉福報所願皆成尔時菩
薩入不亂定以心舉心以身舉身即得成就
神足聖道從一佛刹至一佛刹禮事供養諸
佛世尊聽受深法不難不畏轉入三禪觀諸
色像悉空無所有住於三禪觀衆生類悉能
分別彼没生此此没生彼自識宿命亦復知
彼所從來處刹利種婆羅門種居士種長者

種斯應行人不應行人應受果不應受果出入息非出入息斯四意止四意斷根力神足覺意八道斯人受決某國某處某衆生中成佛皆悉知之是謂菩薩於三禪地得清淨心復次菩薩摩訶薩於三禪地上望八住雖望而不得晝夜勤精進求清淨心入四禪中面自見十方諸佛爲說四禪不退轉法無礙解脫行四禪足能分一身爲無數身以無數身合爲一身入火光三昧遍滿三千大千世界令彼衆生見火光三昧心意恐懼衣毛皆豎自來歸依於菩薩所因三昧力而得度脫爾時於四禪中分別世界真如法性心退還墮

第六任行菩薩自念我今未得不退轉地云
何當得八任於四禪中慇懃修習淨衆生行
代其執苦雖行此法不自稱譽除去憍慢無
有吾我修六思念雖復行道在九衆生居心
不染著戀慕生死心豁然悟達不退轉是謂
菩薩摩訶薩於聖諦得清淨心於是菩薩入
空處三昧觀此三千大千世界衆生之類心
識清淨法離縛著無所戀慕能自任壽一劫
二劫至無數劫於其劫中教化衆生生者滅
者漸漸將導獲清淨道即於胎中成無上道
或時菩薩入識處三昧觀此三千大千世界
識神所趣天道人道餓鬼道畜生道地獄道

易度難度皆悉知之即於胎中成無上道或
時菩薩入不用處三昧觀此三千大千世界
衆生之類青黃赤白有多有少即自厭患不
用久住即於胎中成無上道或有菩薩入非
想非不想處三昧觀此三千大千世界衆生
識神所趣生者滅者青黃赤白有長有短令
被衆生使知壽盡即於胎中成無上道於是
菩薩入大虛空大寂定三昧觀此三千大千
世界上至無邊無盡刹土衆生之類識神所
趣思惟分別空無之法是謂菩薩摩訶薩即
於胎中成無上道於是菩薩入無形界三昧
普觀三千大千世界衆生之類心所繫縛亦

無有縛識神無形所觀識法亦復無形於無
形法即於胎中成無上道

菩薩處胎經佛樹品第四

尔時世尊將欲入無餘涅槃界集諸神通大
德菩薩神足變化說不思議法今我寧可化
作七寶樹度此長流永在生死諸沒溺者今
得解脫即入瑠璃定無形三昧東方去此忍
界六十四億恒河沙刹化作七寶樹遍滿其
中諸寶樹上莖節枝柯葉華菓實各各皆有
七寶宮殿宮殿有佛諸佛各說四非常法後
園浴池衆鳥集聚娛樂其中快樂難勝其池
水中生優鉢蓮華須臾提華末願臽提華於

彼陸地生瞻蔔華須蔓羅華牛頭旃檀擣香
末香天繒幡蓋懸處虛空尔時風神王名曰
隨意放犬香風吹七寶樹葉柔軟香勳枝葉
相棠皆出自然八種音響善哉出大光明
如來八種音聲將欲度未度者誰現是瑞應
昔我不聞此亦復不現覩見起滅無常之相
將非幻化耶尔時樹葉上七寶宮殿中諸如
來至真等正覺發大音聲闡揚不思議難有
之法欲說八地中莊嚴諸佛刹猶如有人欲
覩大海水去海百由旬不見諸生木遇見榮
水嘗之知海尚遠即自辦入海之具不見形
相念定如空始至海岸以無畏心自在嚴身

善哉大聖我所求者今乃獲之欣之樂之心
無厭倦即時捨所資生盡入海中隨本所願
皆悉在前菩薩摩訶薩亦復如是能斷一住
至六住地盡衆生結使永盡無餘今我成佛
必然不疑是謂菩薩摩訶薩即於胎中莊嚴
佛樹復次菩薩摩訶薩欲自莊嚴身相具足
三十二大人之相爲真實不從頂至足足有
千輪輪有千輻輻有千相相有六度無極所
成無見頂相者破憍慢山得成肉髻相吾從
無數阿僧祇劫得不犯姪欲果報得陰馬藏
相陰馬藏相者壞彼邪見放相光明遍滿十
方恒河沙刹一一光明皆有化佛一十化佛

皆坐七寶高座發大音聲演說六度無極如
諸如來常所說法告集滅道施戒忍精進禪
般若波羅蜜善權方便解了諸法空空大空
無量空內空外空最空行空相空報空滅三
災空三明報空三慧空三達空三等空三世
空三分法身空三界寂滅空過去當來現在
空自相空是謂菩薩摩訶薩不犯婬報相吾
從阿僧祇劫常修口淨不從彼聞此說不從
此聞彼說得廣長舌相遍滿十方阿僧祇恒
河沙刹放舌相光明一一光明皆有化佛一
一化佛皆坐七寶座上以清淨音聲演說無
量口行清淨報業真實所作成辦四事無畏

曉了諸法無來無去音響清淨以度生死畏
地無所罣礙分別衆生一一音響演說無量
智慧辯才度五道淵法法成就以九解脫而
自瓔珞十力具足空性無形不可沮壞其聞
法者悉皆信解是謂菩薩摩訶薩口淨舌相
果報吾從無數阿僧祇劫得音響相遍滿三
千大千刹土柔軟和雅所說不麁出言成就
不從彼受其聞音者無不悅滿此音響中亦
有無數清淨之音如諸如來常所說法十二
因緣癡行生死自觀其身觀他人身觀內外
身息長亦知息短亦知化彼衆生越次取證
亦不住證發聲響相光明一一光明皆有化

佛一一化佛皆坐七寶高座上普與衆生說
無量法門心趣解脫空無想願觀了諸法悉
無所有常以四事慈悲喜捨四禪四諦衆智
法門得摠持法門捷疾法門應聲法門辯才
法門無量法藏常現在前心常遊戲無量百
千三昧是謂菩薩摩訶薩音響相吾從無數
阿僧祇劫恒修心清淨所念專政所行慙愧
執心一向無他異想悉無塵垢若有人毀不
生憂感設當稱譽不以爲歡心不移易所行
堅固難動如地從無數劫承事諸佛與諸衆
生說微妙法所行不僞一向趣道有佛有法
僧處輒身往化講論無量摠持法門所謂論

者施論戒論生天之論欲是不淨涅槃是樂
引導衆生入定三昧分別苦諦去離四縛蠲
除集法滅大分結道除雜糅不起法忍住不
退轉得清淨觀知彼衆生心之所念隨類開
化得成道果猶如新成白疊易染爲色自常
攝心不譏彼受常樂閑靜不處憤鬧入比丘
衆威儀具足若入禪定係意在明經行往來
心無懈怠於大衆中能師子吼分別空性悉
無所有是謂菩薩摩訶薩心清淨門吾從無
數阿僧祇劫修揔持法門不可沮壞聞一得
百聞百得千聞千得萬諸佛所說句義字義
皆悉揔持而不忘失是謂菩薩摩訶薩成就

揔持法門吾從無數阿僧祇劫常自修習無
常觀行一切諸法皆歸無常生者有滅在在
處處興隆法樂淨治佛土所說誠諦自識宿
命所經歷處爲說法化心識堅固神足無畏
不可思議從無數劫積諸苦行所發誓願不
違本行遊戲諸法自在無辯是謂菩薩摩訶
薩成就揔持法門吾從無數阿僧祇劫修眼
神通遍知十方衆生之類有應空行不應空
行有定意無定意者有亂意無亂意者有金
剛志無金剛志者有思惟定無思惟定者天
道人道餓鬼道畜生道地獄道以天眼悉見
悉知見此衆生趣有餘涅槃無餘涅槃者亦

知此衆生於中陰取涅槃亦悉知之知此衆
生向須陀洹得須陀洹果向斯陀含得斯陀
含果向阿那含得阿那含果向阿羅漢得阿
羅漢果向辟支佛得辟支佛果亦觀衆生出
家苦行不捨本誓剃除鬚髮身被法服入師
子遊步三昧在樹王下思惟觀樹或一日二
日乃至七日或一歲二歲乃至七歲或一劫
二劫乃至七劫是謂菩薩摩訶薩成就天眼
通吾從無數阿僧祇劫修耳神通遍聞十方
衆生行報黑有黑果報白有白果報不黑不
白有不黑不白果報有漏有漏果報無漏無漏果
報聞彼衆生清淨音響不男聲不女聲不男不

女柔輒聲不長不短聲不非人聲梵清淨聲伽
羅毗羅柔和聲不鹿聲不細聲復以天耳聞彼
衆生除垢斷縛不住有爲相不住無爲相不
住過去當來現在相住亦不住不住亦不不
住吾我不住不住亦不不住成佛不成佛者
成道不成道者生天不生天者生人不生人
者生餓鬼不生餓鬼者生地獄不生地獄者
生畜生不生畜生者分別五道以天耳聽悉
聞知之是謂菩薩摩訶薩成就天耳通五品從無
數阿僧祇劫修鼻神通遍覷十方無量衆生
悉知分別善香惡香鹿香細香內香外香俗
香道香乃至菩薩坐樹王下香戒香定香慧

香解脫香解脫知見香教授衆生大慈無邊
香悲愍衆生香喜悅和顏香放捨周遍香神
是無畏香覺力根本香破慢貢高香自然普
熏香莊嚴佛道香趣三解脫門香相相殊勝
香明行果報智分別微塵香光明遠照香集
衆和合香五聚清淨香持入不起香止滅衆

垢香觀滅衆垢香聞戒布施香慙愧無慢香
仙人法勝香說法無礙香舍利流布香封印
佛藏香七寶無盡香尔時世尊便說頌曰
摩伽山所出 華香及旃檀 三界所有香
不如戒香勝 戒香滅衆垢 往來入無間
菩薩不退轉 涅槃香第一 譬如善射人

仰射於虛空

箭勢不盡空

尋復墜于地

德香遠無際

終不有轉還

今說佛身香

戒定慧解度

於億百千劫

不能盡佛香

若於千萬劫

佛讚佛功德

大聖不能盡

佛身戒德香

諸佛威儀法

授前補處劫

口中五色香

上至忉利天

還來至佛前

遶佛身七帀

諸天散華香

稱歎未曾有

定香遠流布

濟度阿僧祇

爾時世尊說此偈已於彼會中十二那由他

衆生心識開悟皆悉發意願樂欲生香積佛

刹是謂菩薩摩訶薩成就鼻通吾從無數阿

僧祇劫修口神通言教往來終不中滯有所

言說言則有光脣脣有光齒齒有光舌舌有
光如來於大衆中說甚深法所有法者一名
阿阿者無有千萬義無有千萬義中取一無
義度無量衆生二名羅羅者除垢除垢有千
萬義千萬義中取一除垢義除無量衆生垢
三名波遮波遮名果熟果熟有千萬義千萬
義中取一果熟義使無量衆生皆悉果熟四
名那那者非常義非常義有千萬義千萬義
中取一非常義使無量衆生悉解非常義五
名荼荼字者盡無名盡無名言有無有言無亦
無無無盡義有千萬義千萬義中取無盡義
使無量衆生得解於盡是爲荼盡義十方無

量恒河沙諸佛受食威儀從閻浮提上至十八天皆見如來食從一住至四住菩薩見如來身瑠璃咽喉不退轉菩薩乃至九地見捷疾天子接如來食乃至他方施行佛事是爲如來神口果報如來現食味次第味不動味不啗咽不博噉世尊舉飯向口時心念十方諸五道衆生等同此味即如念皆悉飽滿猶如比丘得九次第禪心軟美飽是謂菩薩摩訶薩口通清淨吾昔無數阿僧祇劫修身神通分別身中淨不淨想不淨淨想三十六物汗露不真髮毛爪齒骨血涕淚反復思惟以已身法觀衆生身亦復如是自化其身臄

脹爛臭膿血流出或復現身白骨灰色青瘀
色焦黑色與地同色無量衆生見此身者皆
生苦空無常無我想復與衆生說身業報法
此身非身何者是身一一分別從頭至足悉
無所有以無有身則無有識衆生聞此自思
惟身穢惡不淨猶如光音清淨天下觀閻浮
提臭穢惡氣上勳七千萬里是以菩薩不生
光音天身通菩薩入金剛三昧碎身如塵一
一塵皆作化佛濟渡無量阿僧祇衆生之類
現身色相身上出火身下出水身下出火身
上出水東踴西沒西踴東沒現如來十八神
變衆生之類見如來變尋時覺悟衆結未盡

入無爲道微塵化佛現身教化濟渡無量阿
僧祇衆生是爲如來身密教化而不說法吾
昔無數阿僧祇劫修習意識成菩薩神通攝
意入定遊至無量諸佛刹土猶如力人屈申
臂頃還來故處意識菩薩亦入化生胎生濕
生卵生現不思議神變教化即於彼處成無

爲道意識菩薩於諸通中最上最勝非辟支
佛羅漢所能思議何以故非彼境界

菩薩處胎經卷第一

難

兜

丁侯反

翅擗

上音施去下正作

自擗

下正作襍必益反卷

也衣襯

初近反近也

錫杖

下先擊反

白疊

下音牒正作

木蜜下正作蜜眉牛下音詩牛吐食衍音

香炎音縱廣反上足容梯陸反上他号階道也蒲米

繒自陵反倡娛上音昌樂也也緒音四駛音

疾流也一音史伺相寺反唛唛上音匝劇音關捷

門之具也反拒逼彼力反泡音水劇音逆反

搞音逕音速音淵深泉也菊

記也并列反闡昌演反捷才葉反奮上迅上方問反

疾也反踐跡音賤也盧天音蓋又烏合反亘修古

反祇穉毒反嘿默二同音狐疑上音胡野毫鄧

釐下力之反正作沮壞上才呂反毀也也斷濡

古作軟誘音弊毗祭反鬻肉力卷上反沒溺

的反冤反豁然反上呼活柯音枝音哥音葡反蒲北搗

音島 相崇 下直庚反 榮 惠扇反 輻 音福 感 倉

反憂 蠲 俱懸反 糶 居救反 憤鬧 上俱反 心

孝也 係 計音 軟 軟字正 嗥 許救反 上 咽 下女

上音 烟 吮 於六反 吐也 博 音博 下 子

集反 噍 子 反 噍 爵白也 爪 齒上之 涕 淚上音 眩

脹 下知向反 腹滿也 爛 鼻下昌救反 疾 反於去

地 踊 音勇 躍 音躍

